



Alola Produs Pakote Ba feto Vitima Violasau

Fundasaun Alola produs pakote ida ba feto nebe hetan violasau oin-oin nebe oras nee asesu ba uma mahon (Mitra). Pakote nebe'e maka Fundasaun Alola produs fulan ida dala ida nee hamutuk hitu 7.

Iha pakote ne'e nia laran mak hanesan tualla, kambatik, ropa toba, kalsina, sutia, pensu, eskoba nehan, sasuit, rinso, shampo'o, sinelus/sandalia no kamijola.

Liaison Officer Program Advocacia Fundasaun Alola Apolonia Maria da Costa hateten pakote nebe'e maka Fundasaun Alola produs nee sei fo ba iha NGO lokal hanesan Fokupers, VPU Distrik no Pradet nebe maka durante ne'e toma konta ba kazu violensia bazeia ba jeneru.

"Se iha vitima ida ba hato'o keixa konaba violensia bazeia ba jender iha NGO sira nebe refere, entaun sira telefone mai Fundasaun Alola no Alola fo pakote sira ne'e no sira lori ba fo ba vitima para hatais. Roupas nebe vitima sira hatais hasai hanesan evidensia ida," tenik Apolonia.

Orsamentu hodi produs pakote hirak ne'e Fundasaun Alola foti rasik husi nia kas.



Fundasaun Alola fo Pakote ba membru Fokupers sira hodi entrega ba vitima violasau

Alola no JSMP ba Distritu hamutuk

Fundasaun Alola servisu hamutuk ho JSMP halo treinamento ba grupu feto iha distritu Liquica, Manatutu, Viqueque, Lospalos no Ermera konaba sistema judicial nebe mak to agora ne'e sira seida'uk hatene no seida'uk bele halo diferensia entre kasu sivil no kasu krimi.

Cecilia da Fonseca nudar Koordinator Dezenvolvimentu Komunitario hateten, feto maluk inklui mane sira iha area rurais seida'uk hatene sistema judicial no sira mos la hatene konaba diferensia entre kazu sivil no kasu krimi. Ho nune'e bainhira feto sira hasoru problema konaba kazu sivil hanesan; violensia domestika, seksual ou divorsiu no krimi, sira hili nonok de'it no la levanta ba tribunal ou autoridade kompetenti tamba sira la komprende lei. Nia hateten, konaba sistema judicial ema barak mak seida'uk hate-ne tamba ita nia lei seida'uk la'o normal no artigu sa'ida de'it mak regula konaba kazu sivil no krimi.

Nia dehan katak, hanesan iha distritu, policia sira labele halo buat ida wanhira hasoru problema, tamba lei seida'uk lao normal no instrumentu ne'ebe fasilita ba policia sira sei limitado tebes atu halao sira nia kna'ar. Nune'e mos ho kondisaun ekonomia popula-saun mos ladun sufisiente atu hetan osan. Entaun wanhira feto sira hetan kazu viola seksual sira la halo levanta problema hirak ne'e ba tribunal tamba laiha osan hodi Selu kareta.

Ho treinamentu ne'ebe maka Alola ho JMPS fo bele halo sira komprende no kuiñese, atu nune'e wanhira sira hasoru problema sira bele hato'o ba orgaun no autoridade ne'ebe maka iha poder atu bele ajuda no resolve. Sei iha tan atu fo treinamentu konaba violensia ba jeneru iha distitu 7 no sei servisu hamutuk ho Pradet no Oxfam Australia.

Bele Visita Fundasaun Alola no Loja atu sosa sasaan produktu lokal



Treinamentu judicial inklui policia iha Manatutu

Cecilia Apresenta Konaba Feto iha Filipina

Moris iha lona okos, terus ba loron manas, udan wen no maho wen nebe Timor Leste hasoru, sai topik importante iha konferensia konaba feto nebe halao iha Manila-Filipina, foin lalais nee.

Cecilia da Fonseca, Koordinator Dezenvolvimentu Komunitario Fundasaun Alola nebe partisipa iha konferensia ne'e informa katak nia esplika situasaun atual kona-ba feto iha Timor Leste nebe partisipante sira interese tebe-tebes atu hare Timor nia situasaun durante konfliktu. "Feto sira laiha asesu ba atividade ekonomia no saude durante krizi, tanba problema suku no ras. Ne'e maka hau apresenta iha neba," katak Cecilia kona-ba konferensia nebe partisipa hosi Australia, Burma, Thailandia, Vietnam, Nova Zelandia, Indonezia no Filipina rasik.

Konferensia durante loron tolu (3) ne'e, sira vizita mos ba feto Moro nian, rejiaun nebe maioria relijiaun Islam. Governu halo marjinaliza-saun ba ema hirak ne'e, la fo asesu ba edukasaun, sai empregadu publiku.

Nia mos vizita grupu feto ida iha Barangay, kilometru 10 husi Davao, Filipina nebe feto sira hetan defikuldade, laiha osan hodi selu elitridade. "Ho ida ne'e ami halo lobi no hato'o deklarasaun ida ba governu no ONG movimentu iha ne'eba atu bele tau matan ba sira," katak Cecilia.

Se mak iha Fundasaun Alola?

Alola hari'i iha tinan 2002 dedika atu haforsa feto hodi hadia iha area Saude, Edukasaun, Lideransa no Oportunidade Empregadu. Tim lideransa: CEO: Anne Finch. Programa Manager: MCH - Veronica Corriea & Tany Wells-Brown; Advokasia - Alita Veridal; Edukasaun - Alzira dos Reis; Dezenvolvimentu Ekonomia: Bernadete da Fonseca; Manager Oficial—Maria Braz da Costa. Tel: +670 3323855; Email: Info@alolafoundation.org; www.alolafoundation.org

Mensajen husi Diretora

Benvinda ba Edisaun Fulan Maiu nian husi Buletin Fundasaun Alola. Iha edisaun ida ne'e ami fokus liu ba ami nia servisu iha Distritu. Tan ne'e ita bo'ot sira bele lee konaba renova eskola infantil lima (5) iha Atauro no studante sira halo kreativa Literasi foun no Programa ba Rekursus Edukasaun. Lee mos konaba Programa Distritu Maternidade no Saude Labarik, Treinamentu Judicial sesaun ba Distritu foun ho JSMP no buat barak tan.

Hau mos hakarak foti opsau ida ne'e atu konvida ita bo'ot mai iha Loja Handcraft Alola iha loron 10 Maiu selebra loron International Fair Trade. Hanesan membru ida husi Asian Fair Trade Forum, Alola konvida ita bo'ot sira atu mai haree ami nia kolleksaun husi produitu foun no foti lalais ami nia CLEARANCE SALE items.

Kirsty



Cecilia tur hamutuk ho feto maluk sira wanhira halo visita ba projetu lokal iha Filipina



Estudante sira kontenti no apresia tebes ho aktividade kreativu ne'ebe sira halo

Estudante "Eskola Belun" iha area rurais kontenti halao aktividade edukativa

Maske hasoru diffikuldade hanesan estrada at, taho dodok nebe afeita husi tempu udan, rai malirin no halo abu-abu taka rai metin, ekipa Departamentu Edukasaun Fundasaun Alola iha nafatin espirtu de korajen hodi hala'o aktividade edukativa ho objektivu ajuda estudante "Eskola Belun" sira iha area rurais iha parte Baucau no Lospalos.

Ekipa husi Departamentu Edukasaun Fundasaun Alola halo visita ba eskola Primaria no Pre-sekundaria iha distritu Baucau hanesan; Eskola Primaria numeru 11 Vila Nova Baucau, Eskola Primaria numeru 1 Laga no eskola Pre-Sekundaria Satilos Baguia. Iha Lospalos villa mak hanesan Eskola Primaria numeru 1 no numeru 3.

Clelio Antão Freitas Alves hanesan Acting coordinator ba projetu Literacy and Resources hateten iha visita ne'e, alem de fo material hanesan tinta no suratahan ba eskola nia nessesidade no utiliza atu hatutan aktividade nebe estudante sira simu husi ekipa edukasaun husi Fundasaun Alola, mestre sira mos fo tempu oras 1 ou 2 iha eskola ida hamutuk ho estudante sira hodi aprende kona ba oinsa bele lee, hake-rek no halo komunikasaun diak ho ema seluk no oinsa bele ba ko'alia iha oin ho diak liu husi treinamentu literacy. ...continua pagina 2

Alola renova eskola infantil lima iha Atauro



Badae voluntario sira halo hela fundasi ba eskola Infantil Bekeli

Dili-Fundasaun Alola servisu hamutuk ho NGO lokal Roman Luan hari'i eskola infantil lima (5) iha distritu Dili, sub-Distritu Atauro hodi ajuda labarik sira iha parte edukasaun infantil nia.

Maria Gorretti Ut hanesan membru Edukasaun Alola ne'ebe mak toma responsabilidade ba programa ne'e hateten, eskola nebe maka Alola tulun hanesan kontruksaun ba eskola infantil 2 (iha Biqueli no Beloi, rekonstruksaun ba eskola infantil 1 (iha manutasi) rehabilitasaun ba eskola infantil iha Maqueli no Makadade.

Maria informa katak eskola hirak ne'e uluk kedas iha ona nebe hetan suporta husi NGO lokal Roman Luan Maibe fasilidade ladun kompletu. Tamba ne'e nia dehan, ...continua pagina 2

Programa Edukasaun foun ba Distritu

Estudante “Eskola Belun” iha area rurais kontenti aprende literacy: husi pagina 1...

Meios nebe mak ekipa edukasaun uza mak hanesan jogos atu bele fasilita estudante sira hodi bele aprende di'ak liu tan no senti haksolok ho buat nebe sira aprende.

Bainhira ekipa fo treinamentu no material balun ba estudante no eskola iha area nebe refere, partisipante sira kontenti no gosta teb-tebes ho ekipa edukasaun husi Fundasaun Alola nia prezensa. Estudante sira hakarak aprende tan no buka hatene kona ba saida maka ekipa fo ba sira.



Estudante sira halo aktividade foun iha Osso Huna

Komunidade servisu hamutuk atu hadi'a eskola infantil iha Makeli—Atauro. Haree foto haat ne'e—uluk no Depois halo progresu durante semana ida deit



Husi Pagina 1:

Alola renova eskola infantil lima iha Atauro

Alola servisu hamutuk NGO Roman Luan hodi halo rehabilitasaun no hari'i eskola infantil ne'e.

Nia deklarata katak wainhira eskola sira ne'e remata, sira sei fasilita ba mestra no mestri ho objetivu aumeta kualidade hanorin nian.

Alem de ne'e iha planu ba oin Alola sei halo renovasaun ba kampu voleyball hodi ajuda juventude sira atu pratika ka halo ezersisiu, dezenvolve joventude sira nia talento.

Nia haklaken katak, populasaun sira antusias no orgulu tebes ho projetu ne'e tamba bele perpara labarik iha tinan pre primaria antes ba primaria no fasilita inan aman sira ne'ebe maka hakarak hatama nia oan ba eskola infantil.

Señora Natalia nudar mestra pre primaria Magali nian hateten, sira sente kontente tebes ho Alola nia assistensia hodi hadi'a eskola no fasilita brinkeerus ba labarik sira hodi halo fasil prosesu aprende nian. maibe, nia hateten tan katak sira precisa tebes treinamentu ba profesoeres sira atu bele hasae sira nia kualidade hanorin. Projetu ida ne'e hetan suporta fundus husi Stra Real iha nasaun Inglaterra (Inggris).



Vizita Regular ba Grupu Suporta Inan (GSI)

Programa Klibur Susubeen Inan ba Kosok-oan (KSBINKO) sempre halo vizita regular ba Grupu Suporta Inan



Macu no Nica fo espikasau ba populasaun kona ba susubeen inan no oan

(GSI) iha Distritu. Vizita ida ne'e hala'o kada fulan-fulan. GSI esta-belese iha komunidade atu promove pratika fó-susu ba bebé ne'ebé loos katak *fó-susu kedas ba bebé iha oras ida nia laran depois de partu no fó-susubeen inan de'it ba bebé iha fulan neen primeiru* sem fó-hahan seluk inklui bee durante periodu fulan neen nia laran.

Objetivu ba vizita regular mak monitoriza aktividade Grupu Suporta inan, halo diskusaun kona-ba topik ne'ebe relasiona ho saude hanesan revizaun ba topik fo hahan optimal ba bebe no labarik ki'ik, anemia, malaria, , sst, fo suporta ba Grupu Suporta Inan no mos hetan informasaun kona-ba aktividade ne'ebe Grupu Suporta Inan hala'o iha sira nia komunidade.

Iha fulan Abril, ekipa Programa Saude Inan no Oan hala'o vizita ba Grupu Suporta Inan iha Distritu Oe-cusse. Iha oportunidade ida

ne'e ekipa hala'o enkontru mos ho xefe Saude Materno-Infantil, DHS Oe-cusse no Diretor CHC Baqui hodi ko'alia kona-ba possibilidade suporta husi Ministeriu da Saude ba Grupu Suporta Inan iha Oe-cusse no atu involve Grupu Suporta Inan iha aktividade SISCa (Servisu Integradu Saude Komunitaria) ne'ebé inisia husi Ministeriu da Saude.

Iha Distritu Oe-cusse, Grupu Suporta Inan hala'o duni promosaun no akonsellamentu ba inan isin-rua no inan ne'ebé fó-susu atu bele fó-susu ho lolos. Bazeia ba relatoriu ne'ebe GSI apresenta katak komesa iha ona mudansa kona-ba pratika fó-susu ba bebé katak inan sira hahu fó susubeen kinur ba bebé bainhira bebé moris no sira la fó ona hahan prelakteal tuir kostume uluk, no susesu ida mos kuaze inan balu pratika ona fó-susu eskuzivu too fulan neen primeriu.

Loron Mundial Fair Trade

Loron mundial Fair Trade ne'ebe selebra iha Mundu tomak iha loron 10 Maio 2008. Husi Ecuador to'o Egipto, husi Tailandia to'o Timor Leste, organizasaun Fair Trade simu no selebra prinsipiu husi Fair Trade (#) – la iha diskriminisaun salariu ba level sira hotu hodi rai inventáriu no transparensia entre parseiru komersiu sira. Ida ne'e Representa “foun” ho honestidade no dalan alternativa hodi kondukta negosiu.

Alola kaer metin ho prisipiu ida ne'e hanesan mata dalan hodi halo akreditasaun ba organizasaun Fair Trade iha Timor Leste. Membru sira kontenti atu aseita no hametin ba Fair Trade ne'ebé sei iha Organizasaun nia okos no sei habelar ba programa Alola husi Dezenvolvimentu Ekonomia, supporta ba grupu procedur feto iha dezenho (design), produsaun no fa'an produktu (handcartf) Timor oan nian.

Loja Fundasaun Alola sei fa'an produktu lokal husi 13 distritu no produktu seluk nebe maka Alola produs rasik, no mos loja Alola sei halo diskonto boot husi 30% to 50%.

Iha loron importante ne'e Fundasaun Alola hanesan membru ba Fair Trade iha Timor Leste sei loke loja Fundasaun Alola hahu;

Loron : Sabadu
 Dia : 10 de maio 2008
 Oras : 09.00-16.00 Otl
 Fatin : Fundasaun Alola, Rua Mascarinhas Mercado lama Dili Timor Leste

